




湖 北 黃 州 小 學 校 攝 影



澳門若瑟修院軍樂隊攝影

傳記

湖北襄陽屬教史記畧續

湖北成和德司鐸來稿

芳躅。某鐸、真福同時人也。嘗述劉司鐸德高道厚。不特教友喜與親密。卽外教人。遇有疑難。亦向問計。傳云。真福乞主。大有神力。某日。有一女教友。聖名保納。被魔纏繞。言語失常。真福以領帶置其身上。勸辦神功。卽霍然全愈。又一日。真福自某村教友家歸。行三里許。有痞徒潛伏道旁。預備行劫。忽見真福身繞大光。行時。足與地離約四尺許。乃未敢逞。又一次。船經關口。舟子告之曰。前卡盤詰綦嚴。恐有不測之危。請虔乞主佑。乃默禱片時。順風陡起。飽帆而過。差吏竟未之知也。又據當時教友傳述云。真福每知人心之隱密。設其人具有不良之心。雖未形之於外。已不啻目睹其肺肝然矣。董真福記載亦曰。劉司鐸於未歸天前。能將已後之事。向一信友。逐一說明。定係主宰。遣天神預告無疑也。

穀山遇厄。真福居穀約三十年。歷遭窘難。不勝枚舉。茲述數則如下。一八二二年。茶園溝陡起仇教風波。真福嘗致書宋司鐸。述其始末。畧謂兩月前。穀房交界處。謠啄紛起。誣稱教友。定於八月十五日。聖母升天瞻禮日。揭竿起事。房人不察。信之。已兩路戒禦。並傳亂首。卽西教士二人。指劉金二司鐸。縣令已責任武員二名。前往穀署。籌商合剿辦法。未幾。遂有出差嚴拿二西人。到案之說。各教友與觀音堂鎮諸外教人。聞之駭然。皆謂本地並無西人。並公舉宋謝泰偕二會長。同往縣署。辯明實無其事。不意縣吏狡詐異常。接見二公。毫不提及案事。惟藉言有上諭。在欲

傳記

湖北襄陽屬教史記畧續

三百二十七

限一年內。各教友悉背聖教。並立迫二公。先行背教。秦不允。却至再三。縣吏大怒。卽批頰五十。然公仍處之泰然。不爲所移。以爲爲主受罰。欣喜奚如。又何痛乎。且在乾隆五十年。亦已嘗試一次。又何懼乎。嗣後未知下落。下畧嗚呼。公教不幸。冤訴無門。未幾差役果至。不獲。忿甚。遂將聖堂付之一炬。噫。慘矣。劉金。二鐸。知事有變。立卽避匿。顧此後六七年。真福雖屢被查拿。卒未被獲。雖然。真福自幼。期爲主宰致命。且夕求主。賜以遐福。上主仁慈。稍俟。遂卽允其所求矣。一八一八年。真福已年屆古稀。茶溝。又起風波。真福嘗遺書北京會長。述其原委曰。此次風波之勃興。實由於一教友之仇人。蓄意報復。將房屋私自焚毀。遂鳴官誣陷教友。問官亦已燭破奸隱。故未飭拿被告教友。惟出令嚴拿二西教士。特派文武官員各一。率兵役與外教人。約有三四百名之多。借此爲辭。徧地搜捕。並懸有千金重賞。兵役等因皆攀山越嶺。弗辭勞瘁。是時予偕何公等。匿入一山洞。 (俗名老虎洞。在今大堂左旁。大山嶺崖壁下。深可丈餘。廣遜之) 已十有一日。適何公暮出。探聽消息。聞山下有人聲。並大呼言曰。必有人匿在此山洞中。不觀洞口之石乎。已潤滑而又移。易其地位乎。吾儕初意。原擬在洞內留一。二日。及聞是言。如聆天神警語。卽於夜闌人靜時。起程他往。翌晨。聞有武員一人。並率兵役二人。果往搜尋。此誠上主仁慈。於冥冥之中。振救吾儕。可謂幸矣。乃更依恃主佑。現已在襄買棹。安抵豫境矣。特此奉聞。以慰榮懷。現擬暫留此間。處理教務。一俟風波平靜。再回穀山。下畧。蓋真福之視穀山。不啻第二家鄉。大有依依不捨之情。詎意歸

願未償。卽成致命之功。悲夫。

河南被逮。真福旣入豫境。寄居南陽靳崗某教友家。以爲從此脫離虎口。得慶更生。頗自私慰。乃事出意外。忽遇惡星。先是穀邑有教友沈某者。本佻達少年也。多行不義。真福見而憐之。數進忠告。起以自新之路。無如沈某不識美惡。不特不感真福。反以是脚之。嘗擬恩將仇報。而又聞有千金厚賞。不良之心。勃然大動。逕往府署。先將沈司鐸密賣。旋遂自率差役來拘真福。是日清晨。真福未起時。彷彿見一白衣少年。兩次喚之曰。差役至矣。君其興乎。真福以爲夢。高臥如故。未幾。又見白衣少年。行近床側。執其腕而促之起曰。差役至矣。君猶睡耶。真福乃驚起。立行聖祭禮畢。將謀遠避。縣差已畢至矣。怛然出迎之。而以耶穌對待。姑達斯惡徒之態度。爲態度。藹然垂詢。沈某曰。吾友何爲至此。予甚憐爾。詎沈某心狠如石。非特不爲感動。而反老羞成怒。大肆咆哮。抗聲曰。爾何憐我爲哉。遂令差役速下手繫拿真福。及教友二十四人。一併縛入府署。時一八一九年六月十六日。天主聖三主日也。

南陽受刑。真福與教友等。旣被拘至府署。當卽開庭聽審。在律。真福年已七十。本不宜加以重刑。乃問官兇暴性成。嚴刑如故。一日。真福向問官曰。君今判我如此酷苛。毫不留情。恐他日我天主教亦將如此判君矣。問官晒之曰。甚佳。本府現以刑罰加爾。視爾所謂之天主教。將何以罰我。言畢。立飭差役。以皮板批真福之頰。旁觀者莫不憐之。真福在獄。備受重刑。除屢被毒棒。又跪鐵鍊。

多至三四小時之久。夜間則又長跽祈主。以達明旦。獄人見之。莫不肅然起敬。一日有一陰狠牢役。故意在真福踞處。置一鐵鍊。真福踞禱如數。不與計較。其信德之堅。待人之寬。有如此者。自開封。移解鄂省。真福幽囚南陽。約一旬餘。卽被提解開封。省會計程約六百里左右。試思其時。真福已受十餘日重刑於先。茲又縲索在身。行此長途。加以差役等如狼如虎。百般虐待。沿路痛苦。何可勝道耶。既至開封。監禁月餘。刑罰有加。虐待愈甚。常以鐵鍊緊繫於柱。真福首不能仰。足不能伸。所受痛苦。尤甚於前。既而官長查明真福曾在湖北穀城傳教。遂復咨解武昌。地與開封相距約千四百里。而真福年已衰老。手梏足桎。作此遠途。披荆蹈棘。其何能堪。縱真福以爲主受苦甘心忍受。而旁觀者。尤爲欽敬不已。如昔有親見真福途中慘狀者。歸而語人曰。厥彼老翁。實甚奇異。以一路飽受拳打足踢。徧體鱗傷。而猶欣欣色喜。不出怨言。誠令人欽仰不置矣。武昌受苦致命。真福在獄中受苦情形。有遺書詳述。茲爲節譯如左。此間官長。本擬將余另行禁入內監。勿使信友等與余接近。隨時護余。俾余不日即斃。以余在豫獄。備受諸刑。已有奄奄一息之象矣。乃上主仁慈。陰使內監管獄者。不允收余。謂余骨瘦如柴。長鬚如帚。形容枯槁。衣裳齷齪。不忍令余速斃。實則知余非富家翁。無可徵索耳。職是之故。予乃得與沈公及教友十人同居一監。欣慰不可言。早晚公誦經文。並亦祝慶瞻禮。無人阻擾。其樂融融。隔壁監犯甚多。聲通大院。自朝至暮。可以出外散步。內有信友若干。因得仍在余前。舉行告解。言念及此。不禁感嘆上主

鴻恩靡有其極矣。張司鐸（華人）仍在此城。暗與教友開四規井在附近教友家。舉行祭禮。或爲吾等送領聖體。外教人莫或之知也。

按真福所書。其在鄂獄時之待遇。固較優於南陽。乃不謂曾幾何時。卽有至大神苦。加諸其身乎。初真福在獄中。聞北京會長藍神父。M. Lais Lamoi 及河南教友多人。皆將拘捕質詢。疑自在初次過堂時。或出言不慎。致洩其名。深自引咎。憂憤交集。擬以一死報之。而補愆尤。實則此乃其謙德過甚所致之幻景。旋由上主默啟。其心始安。惟真福尤有傷心之一事。則爲目覩教友數人。背主是也。一八二年正月一日。官長提詢劉藍沈三鐸。與諸教友一律過堂。真福有遺書記載其事。過堂之日。適爲瞻禮七。吾教信友。皆當虔守小齋。而長官故意烹治豬肉。命吾儕衆人食之。謂食此者。卽自証明背教矣。當卽免刑。否則不赦。不意竟有數人。從而食之者。惟留有二十三名。皆視死如歸。堅守信德。官吏卽命收監候決。至藍沈與余。則問官畧詢二三事。卽判定藍公無罪。命之起立。僅令余與沈公二人聽審。先命沈牧背教。沈不可。乃曰爾果不背教乎。則當與此二十三名教友。同科無期徒刑矣。不觀彼等已背者乎。皆已釋放回家。其樂何如。繼又向余曰。以爾蠱惑中華多數人民。在律當受死刑。其謹候諭旨可也。

真福自知必將爲主致命。非僅不自悲傷。並甚欣喜。以爲今乃得償所願矣。惟爲彼半途背主者。傷懷不已。又見其出監後。狼狽萬分。一貧如洗。因仍設法資助。俾使得回故里。且曰。彼等甚可憐。

也。至真福在受審時之神情若何。則有藍公日記所載。堪爲佐證。畧謂劉司鐸信德之堅。實非常人所及。當其受審時。神情如恆。專以爲主致命爲心。勇敢英武。大有百折不回之勢。其情其境。迄今猶盤旋於腦際。誠使余沒世不忘之矣。不特此也。卽官吏中。見而敬服者。亦不乏人。皆曰。如此信德堅韌。洵不多覩。良可敬也。

一八二二年二月十八日。奉諭判定真福絞刑。而前數日。真福在監候旨時。以上文所述之張鐸。不時來監探視。因率監中教友。屢向告解。或領聖體。預備專爲耶穌犧牲性命。並竭力安慰教友。堅具信德。依恃主宰。忍耐受苦。至死勿變。又設法潛邀八位會長進監。諄諄勸告。以廣布福音爲志。及期。差役於黎明時。探入監中。真福遂問之曰。爾等此來非爲引余至法場乎。役初諱之。蓋恐真福聞知心悸耳。時沈牧在旁。乃曰。此老非畏死者。請明言可也。役乃實告。真福歡洽無既。求沈牧爲念赦罪經。起立降福教友。囑其勿悲。畧謂今雖暫別。不久當在天堂。永叙不散焉。沈牧又將藍公預置之新衣一襲。請換留舊衣。以作紀念。真福却之曰。予生平謬行甚多。此次之死。乃爲獲罪而死。幸勿以致命目余。立隨差役出監。（燕京開教畧下篇十三頁有云。藍公會出北堂儲積計六萬餘金。盡賂當道。爲脫其友不意。俱成虛糜。所謂友者。當卽真福。）真福既至法場。先跪地祈禱片時。繼乃起立。伸手請卽動刑。初行刑者。本與教友約。擬以一絞死之。俾令少受痛苦。不意初次行絞。繩適中斷。及至第三次。真福始氣絕。嗚呼哀哉。真福從此永升上界矣。所奇者。真福歸天

後面目如恒。不特毫無醜態。抑且光美悅人。觀者大異之。

天主顯罰。真福致命後。北京等處。昏黑而不見天日者。共有三晝夜。人民驚惶。不知所措。而陰謀計害真福之人。先後皆受天主顯罰。通謀報官者三人。一則嚼舌死。一則癩狂。嚙指死。一則腹裂而亡。南陽府吏數月後。亦犯大案。凌遲處死。而真福致命後六日。嘉慶帝避暑熱河。竟爲電擊暴崩。據真福董司鐸言。此事劉真福在獄中。曾已預言及之。抑何奇妙之甚耶。諸外教人。亦均驚愕。而相告曰。不觀若輩謀害劉公者。皆未得善終乎。而吾儕田畝。亦被遺累。連年荒歉。災上加災矣。

收存刑具。改葬列真福品。真福致命後。武昌教友。卽厚賄差役。購得刑具。及血衣絞繩等件。一併收存。留作紀念。後均寄往巴黎。聖屍初本瘞於法場附近之犯人義塚。旋由教友等。乘夜遷葬於城外紅山。立有碑石。以誌不忘。一八五九年。田大司牧。命起聖屍。轉運巴黎。敬置於聖味增爵堂內。田牧又嘗語人曰。劉鐸管理此間信友。約有三十年之久。愛之護之。情逾慈父。而教友等。敬愛司鐸。亦有甚於子女之愛其親。劉鐸終爲教友等。捨身致命。教友等莫不至今移愛及其遺骸。今見運往法國。鮮有不爲下淚者。是亦足證真福澤遺感。在人之深矣。一八四三年。教宗額我略第十六。准稱真福爲可敬者。千九百年四月二十七日。良第十三。乃列之於真福品。築哉真福。今在天上。其未忘我鄂民乎。今仍謝敬真福。無時或息。甚祈力求主宰。全赦鄂民之罪。

永賜聖寵。毋負真福在此。所遺之血汗勞苦。俾皆尊守聖表。引入歸化。同躋天國。亞孟。

真福同難諸人小記。上言真福同監之沈司鐸（北京直隸人）及教友二十餘人。俱已判定無期徒刑。嗣後境况頗鮮確耗。一八三六年董真福遺書有云。劉司鐸時充軍之二司鐸。其一猶在軍所。其一已歸治其舊羊羣矣。明司鐸謂據董真福書中所言。即指上文所述之何沈二公。其已歸者乃沈公。即易姓之艾端（*Erind*）然而近讀中日韓公教神品秩錄（*La Hiérarchie Catholique ecc.*）

p. 100 載沈何二公。為欲證明其信德。均畢命於伊犁軍所。二說未知孰是。姑並誌之。

一八三〇年。即道光十年。上津堡有一教友充軍在外。以一八五二年南京和約成立。得返故里。自述在軍所情狀頗詳。茲為摘錄如下。以資考證。道光十年。予（教友自稱）為董牧侍者。（未知何人）客待查考。同時被擒解署。官吏刑迫背教。不可。乃發充回部（今新疆）和闐城。及至。見已有教友數十人在焉。內有一孀婦。名瑪爾大。聞新來教友中。有一司鐸。欣喜無既。以其流徙在外。所最難堪者。為不能告解與領聖體耳。吾儕營生其地。亦尚自由。無甚拘束。或賣果蔬。或作裁縫。或為農夫。所業不一。予則行醫。道光廿四年。即一八四四年。司鐸壽終。予等哭之慟。然不以此而減熱忱也。嗣後每五年或六年。外來一司鐸。為吾等開四規。旋又他去。於是吾等又為孤立矣。彼此相約。扶助善終。按此教友以南京條約成立。弛禁聖教。得見桑梓。懽躍不可言。爰即往見本堂。

司鐸以謝上主鴻恩。是時本堂司鐸爲陶公斯默納爾多 P. Smeraldo Logli. O. M. 1823-71。據云教友初乘輿而來。不能跬步。予(陶公自稱)山下迎之。予與附近教友與彼相見。欣悲交集。彼年七十有八。以備嘗辛苦。似已聾且瞽矣。談及彼少年時所識之人。則現皆白髮老翁矣。予叩其數年在外。曾引數人歸真。曰僕以行醫爲業。代洗外教嬰孩。無慮數千。成人則不獲一人也。回人執拗難化。雖婉言勸誘。舌敝唇焦。未見效果。予遂續叩之曰。然則君可安心矣。天主已鑒君善願矣。厥後陶牧嘗語人曰。予生平最有幸福之日。得見此教友。日。即其一也。迨彼老翁別去。予目送神往。纏綿久之。

真福致命後之穀山教務 真福致命後。凡十有三年。穀山等處。不見西教士之踪跡。而據管見所知。其時兩湖全境。即北京等處。亦同此境遇。如真福藍若望 R. Joannes a Trova O. F. M. 1760-1816。已於一八一六年二月七日。致命於長沙。而居京之遣使會。西教士如藍公拉米。與真福在武昌對質前。曾下刑部獄四月。迨鄂督以無罪奏聞。僅免其一死。不准再居京師。藍公計無可施。遂於一八二一年赴廣東。屢擬設法進京。均無效。乃歸澳門。以一八三一年卒。享壽六十有四。先是藍公在發解鄂省前。甚擬同與真福致命。爰特委託本會薛司鐸(山西人)代理北京直隸河南湖北江西浙江江南等處聖教會總院長。(事見薛司鐸傳)不意上竟免其死刑。得來粵之澳門。雖未能回京原任。而對於內地教務。竭力維持。熱心奉主。實仍不減於前也。其他居京治曆之西

教士如福公文高於一八二四年二月一日溘逝。高公守謙於一八二六年束裝西歸。而是年十月十四日李公拱辰又安然謝世。至是僅存大司牧畢學源一人。在朝治曆獨居南堂。差官防之甚嚴。不准他往。屢欲辭歸。經薛公苦留。乃罷。斯時北堂已籍沒入官。修道院六處遷於塞外西灣子村。而薛公慨任院長之職。潛理北京一帶教務。約十五年之久。不稍厭倦。可謂賢矣。至際此公教最艱難時代。支持穀山等處教務者。則卽爲上文所言襄助真福之三華鐸。宋張艾三公是也。厥後藍公又由澳門潛派楊白二司鐸。前來助理。諸公皆自譴責任重大。依主恩佑。克盡職守。西史美之。其裨益於穀境教務。良非鮮淺。惜以孤陋寡聞。未克詳誌。惆悵奚如。惟其時茶園溝等處之教友家。則皆被胥役等蹂躪敲詐。有非筆墨所能形容。其萬一者矣。官長既視若無睹。胥吏又何所顧忌。所有會口。概遭浩劫。教友之家。或被抄洗。或被焚燬。婦孺老羸。不得已或逃避深山叢林之中。與豕鹿爲伍。或寄居不仇教之親友家中。苟且度日。卽向有微資者。至此亦一貧如洗矣。甚至高築債台。以填胥徒之慾壑。設稍不遂。刀鋸且及其身。公理法律。均所不顧。教友無辜。遇此荼毒。卽毗隣外教之人。稍具天良者。亦莫不衆口同聲。代鳴不平。內有一致仕卿紳。熱心尤甚。因指使教友省控。果蒙按察司批准提訊。於是附和被告爲惡者。大都畏罪潛匿。乃不意爲首者。手段狡獪。初則敷衍調和。繼則厚賄當道。以作不了之了。按此事。亦得自真福遺書中。并述及教友之爲此。先且未使與聞。此案未結。真福已致命升天矣。而此後十數年中。穀城教務如何進行。如

何困頓。該案究作如何之結束。則皆無從查考矣。

本傳完全記未完

少你斯將軍傳畧續 Le Général de Sonis (1825-1887) 漁人

第四章 法德之戰 領路亞耳軍 勃魯軍 路亞尼及雷納之戰 巴來毛你總院之

奉獻聖心

十一月十七日。少你斯回國。逕至都爾城。Tours 會晤政界諸人。蓋法國臨時政府所在也。既到都爾。知己調任他職。逾六時後。又調他職。蓋少你斯奉命爲馬隊司令。速往爬司。La Beauce 梅納。La

Maine 奧爾雷亞內。L'Orléans 等處。招集馬軍。又奉命兼任指揮文道沒。Vendôme 及沙刀騰。Cha

teaudun 二處之軍隊。內有西方志願軍。其司令官爲沙雷脫君。Charrelle 素以智勇善戰著。時沙雷

脫君已任第十七師總師長之職。少你斯與沙君會晤之下。傾蓋談心。頗形滿意。又爲壯固軍威

起見。少你斯將第十六師全軍。統攝於沙雷脫之麾下。

時德國兩大師團。由梅克倫堡公爵及親王拂勒特里嘉祿二人率隊。長驅直入。將至爬司境內

會合。少你斯知軍事有危。立即提兵。赴勃魯之 Mont 險要地。將駐紮該處之敵兵八千人驅散。所

以防敵人大軍之會合也。此次少你斯出軍。僅率一千五百人。乘敵軍不備。深夜銜枚往攻。從之

者爲水兵及昔日教皇之勤王團也。幸一攻即得大捷。敵人四竄。敵人之左翼不成軍隊。其長驅

直入之勢。頓時挫折。少你斯誠智勇雙全矣。然敵軍之死心。尙未塌地。忽變計攻我之第十七師

傳記 … 少你斯將軍傳畧續

頗劇烈。時十一月二十四日也。

少你斯急往霸守沙刀騰及馬爾蒲埃 *Marhoué* 之平原地。竭力建築要塞。以待救兵一到。即可奔往前敵。阻止敵軍之大隊會合。正在督工築寨時。忽奉軍令。速行撤兵。退至馬爾吸奴阿爾村 *Marchenoir*。少你斯聞之大驚。遣人前探參謀部諸將之意見。知實爲總司令之發令。無可挽回。於是於二十七日之夜間撤兵。退至馬爾吸奴阿爾村。同時總司令部。告以敵人將大行總攻擊。命少你斯將軍速行駕砲。整備抵抗。

三十日夜間。第十七師全夜移軍。會合第十六師。以便呼應靈動。兩相提携。翌日屯兵於古爾綿地 *Coulmiers*。幸四日後。大勝德人於此。該古爾綿之名。遂著於世。然第十七師初到時。軍士甚形困頓。赤足步行。又無糧餉。接濟蓋糧餉轉運隊。誤走歧途。一時不能呼應。疲勞倦態。殊屬可憐。屯兵後。遙聞第十六師師長向濟將軍 *Général Chanzy* 之砲聲。甚爲爆烈。十二月一日。傍晚少你斯將軍接總司令巴拉定大將軍 *d'Aurelle de Paladine* 之檄文。命往速救第十六師。將有不支之勢。少君奉命。連夜拔隊起行。時冬寒至冰。度下十五度。雖指裂膚凍。毫無畏憚。行時。有人以將軍沙雷脫之來函。責至內云。近日接得巴來毛尼修院內製就之耶穌聖心大蠟一道。據云。該院送至都爾城杜邦司鐸 *Dupont* 處。司鐸以此蠟轉贈我軍者。少你斯大喜。將耶穌聖心旗收納。定爲本軍隊之特別副旗。沙雷脫將軍命伯爵亨利衛爾達蒙 *Verthamon* 掌聖心旗。

之先鋒將軍。衆人莫不稱善。商議畢。命衆人歇息二小時。由巡軍司鐸杜索君 Doussot 舉行彌撒。將軍中如沙雷脫、衛爾達蒙、奪步葉等 de Bouillé 皆恭領聖體神糧。清晨三時。軍行向巴歹 Paray 進發。是時謠聞巴黎軍隊大捷。事後查明。知爲誤傳耳。

七時。第十七師亦相繼會合。然遠道驟至。困疲已極。暫命休息數時。同時遙聞鎗炮戰鬪之聲。逐漸近身。各人準備作戰。午前。向齊將軍遣專足至。請少你斯將軍率兵往救。交戰之地點。在路亞尼地方。先是少你斯已借一旅之師於第十六師。又遣二旅之師。遠誘敵軍。與敵軍挑戰。以分敵軍之勢。今親自統帶者。僅一旅之師。內有教皇志願勤王團。勃爾東輕捷隊。都耳 Tons 及勃利大奪 Brial 後備供役軍。少你斯之砲隊。程度甚高。惟敵人勢炎。少你斯遣人至第三師。請發救兵。

同來會戰。自己親領一旅之師。向路亞尼進發。至維爾比翁 Villepion 覓得第十六師。向齊將軍之人馬。於是駕砲開戰。氣盛勢大。敵人不敢撲攻矣。德人經此痛擊之後。陣勢始有搖撼。不能周轉靈便。少你斯乘勝追至路亞尼大戰場要害之處。該處已歷二日。法將姚雷祁倍利與德人作兩虎爭鬪狀。尙未分鹿死誰手。砲臺之得而失。失而復得。不知幾次矣。幸至今尙在法人之手。敵將公爵忽下命令。全師如潮湧浪逐奔來。將正中村舍霸佔。又分左右二師猛撲。我中軍處甚險境地。

少你斯至此。忽生奇計。命砲隊大唾火威。令敵人暫被圍於森林之內。不敢越雷池一步。少你斯

正欲領勇卒奔往奪路。亞尼大砲臺忽見我後隊二團立足不穩。匆匆却退。少你斯大怒。立即奔赴我退軍前。呼咤勉勵。指揮一切。阻其畏逃。惜無人肯聽軍令。時斐洲馬隊見之。亦悻然憤怒。出鎗柄痛擊逃兵。然毫不中用。逃者仍逃。却者仍却也。少你斯於是以身作則。自領教皇之勤王團小隊。衝前捍衛。一小隊仍據陣地。保守炮位。少你斯遙指逃兵。而驚告勤王團曰。彼處竟有畏却退避之軍。辱國喪師。恥莫甚焉。君等其速往阻遏潰勢可也。君等速隨我來。可以表示志氣。勇銳之教友軍人。須如何奮戰。而後不失軍人之資格。云。言未畢。少你斯之軍士同聲高呼曰。法國萬歲。軍人有進無退。死而後已。時將垂暮。鐘鳴四下。二刻。耶穌聖心旗高舉在望。爲衆人矚目之救命寶物。衆軍士果然奉命前進。如熊如鯨。少你斯領軍過第五十一師前。呼曰。汝等瞻畧在否。在則速行前往。速隨聖心旗而來可也。惜膽小如驢之逃兵。不聞不答。仍紛紛退下。時勤王團司令脫魯須爾君 Trousarès 喜極來抱少你斯。君與之接吻。歡呼曰。將軍乎。君之領我軍隊如此樂甚。誠盛舉也。時敵人鎗炮如雨。珠紛紛墜地。衆人仍不顧性命。奮往前進。毫不介意。蓋少你斯眼中只有國家之榮譽在前。他事不知不問。少你斯隨口呼曰。我不能離棄從我之三百軍人。我不能不救路亞尼及維爾比翁之戰士。言念該軍人之奮勇抵敵。我亦膽壯百倍矣。蓋彼等皆爲昔日教皇勤王團也。衆人齊聲高呼。法國萬歲。庇護第九萬歲。此爲我等顯示信德之舉動也。

未完

黃州聖教始末記

張奧斯定來稿

吾黃居湖廣下游。古所謂吳楚尾。言形勢者稱門戶焉。其人民之忠厚。風俗之淳美。見諸傳記者。尤不一而足。宋蘇軾有句云。長江繞郭知魚美。好竹連山覺笋香。味其言。即可知黃州之梗概耳。清康熙間。原有聖堂一座。本耶穌會士所建。旋以兵燹。頻仍。堂毀基存。信教者亦無從宗仰。而吾黃人士。不獨不知斯地之有天主堂。更不知世界間。尚有天主教。吁。良可慨矣。光緒二十五年。圻春教友周西經君。郡人鄭姓戚也。因應試客。豐家力勸。鄭氏母子進教。薦往圻春五百寺大堂。考習經典。結識真主。繼又勸引其堂兄春亭入教。當是時也。風氣未開。地方人士。咸以入教爲恥。故信教僅余家及鄭氏而已。洎光緒三十年。因誓反教。在縣屬之淋山河。牢籠無賴。依勢凌人。鄉民不堪其擾。公舉王壽山君。至圻春五百寺大堂。代表全體。請願棄邪從正。於是龍總鐸沈司鐸。同詣其處。以善言開導。輔正抑邪。片晌皈依。真教者數以萬計。乃於縣之各鎮市。開堂傳教。城內由鄭君春亭。提倡租賃民房。先辦公所。當時進教者有夏君萊。臣姜君禹。卿朱君弼。臣楊君玉山。李君企。瞻等。皆文人學士之流。其他五十餘人。亦屬四民之一。其時余尙童穉。教務事悉余父仁山與以上諸君。磋商辦理。三十一年。主教江公派董司鐸來黃。管理教務。方司鐸副之。以淋山河爲根據地。開辦男女學校各一所。城內教友。負笈前往者有孟君名彥。夏君毓根。及余等。其他則不勝枚舉。是時教化之隆。進步之速。較之新開教時。誠不能以道里計。所可恨者。我黃城內。以教友

信德不深。道理未嘗貫徹。彼此橫生意見。奪勢爭權。公所林立。莫能劃一。致教務難期發達。三十二年冬。董司鐸奉主教命。調往他處。沈司鐸接任。以和平手段。融洽意見。擇團風爲根據地。購基建堂。攝篆三年。對內以愛。對外以和。所治區域。民教靡爭。此教務發達極盛之時代也。宣統元年。沈公調理漢堂事務。繼任者爲陳司鐸。雖亦才德兼優。而教務進行。似頗平庸。次年改委王司鐸。其者年碩德。跋涉不辭。奔走傳教。見者皆有夕陽無限好。祇是近黃昏之嘆。翌年又改委艾司鐸。其傳教之熱心。徵諸既往者。有過之無不及焉。先是昔時堂基。以年代久遠。失其所在。乃購城內北樓。堙秦姓地。以爲建堂之基。正擬開始營築。適外教某君。於殘書破卷中。得前郡守茅公志乘一卷。蠹食過半矣。惟餘其中有河東書院。爲在天主堂地基改建者之一篇。卽將是卷。檢獻於司鐸。呈於主教。請於有司。根據條約。請撥還其地。而當道者。僉謂書院建築。亦有年所。皆懷成功不毀之心。欲期和平解決。由知縣潘誦捷。央託駐黃統兵官張紹緒君。聯合教內外紳耆。姜厚甫與余父等出而調處。復買秦姓毗連之地。以償交涉。遂寢。逾年。艾司鐸以功擢升爲漢口大堂總理。而以彭司鐸繼之。不兩月。又易廖司鐸接理。仁慈博愛。有作有爲。提倡教務。不遺餘力。其道德之弘毅。信道之純篤。尤非筆墨所能形容者也。是年龍總鐸蒞黃。鳩工庀材。實行建造堂宇。不匝月。武昌民軍起義。總鐸督工不輟。越年而堂宇落成。規模宏大。形式尊嚴。教內外人士。莫不望而生感。未幾主教田公。駕臨黃州。依例。聖堂值光榮十字聖架瞻禮。卽以十字爲本堂主保。筵請教內外

紳者。紀念成立。杯酒爲歡。極一時之盛。田公聞有貧戶棄孩溺女之事。大傷人道。因命修道日多。達來黃。創辦育嬰善舉。開辦以來。大有絡繹不絕之勢。復以黃州爲名勝之區。文人薈萃之地。非德學優長。富有傳教經驗者。難能勝茲重任。復命董司鐸來黃。駕輕就熟。福曜重臨。蒞任以來。克勤厥職。鑒於中國教育之不良。傳教之基礎不立。遂創辦初等學校一所。暫以聖堂附近之昭忠祠爲校舍。延聘教友沈文琴張惟三二君爲教員。並囑余爲之襄理。兼管教務。一時從學者聞風響往。一如水之有歸。又以無教內外之界限。而從學之生。咸願來堂聽講。恭敬天主。每屆瞻禮之期。聖堂內幾有人滿之慮。主教閱畢後。嘉許不置。是雖沈張二君教育之善良。尤見司鐸提倡之力。有以致之也。是以黃州人士。莫不交口稱譽。至司鐸奔馳教務。櫛風沐雨。歷任岡麻兩屬。開辦教堂學校。不下數千所。茲不備及焉。

近事

羅瑪之部

教皇調停交換英國俘虜之事。經德國政府允准。可以照德法二國交換俘虜之條件。亦從瑞士伯爾納京城。兩國檢查證實。然後正式送歸本國。○聖多明我會總長大司鐸雅精多高爾綿君。Le Révérendissime Hyacinthe Cormier。本年五月十日。逢晉升鐸德後第六十週年大慶。高君覲見教皇。教皇賜以貴重聖骨寶龕。該龕係法國利翁城賈利亞。L'Immaculée Mand. Gallat 廠出品物。該龕內特嵌聖多明我聖雅精多及福女依梅耳大。L'Immaculée Mand. Gallat 之聖骸。明日教皇接見在羅瑪之聖多明我會衆修士。仍由賈大司鐸率領引見。○五月十四日。羅瑪公教辦

事處大廳內舉行紀念前教皇良十三頒發「新事」(Rerum novarum) 論文後第二十五年週年慶典。大廳之高臺上。陳設教皇良十三之玉照。及教皇本篤十五半身精刻像。四周壁上。懸插公教各團體之旗章。樞機大臣瓦孛德利公。賈帥達公。法耳高尼奧公。茄斯該公。雷茄公等。Léon Carlini, Vincenzo Vannucelli, Cassella, Falconio, Gasquet, Lega 列首座。其紳士來賓等不計其數。內有法國公教青年會副會長步加葉君 M. Ducelle 羅瑪公教社會團辦事長并整拉尼 M. Cingolani 先謝來賓到會之盛情。繼由公教平民團會長代拉刀伯爵升座。報告公教團體二十五年中所有之成績。教皇亦先期發電慶祝。由國務卿茄斯巴利簽押論文。畧曰。前教皇良十三。乘時勢之緊要。預為引人不失正道。不入歧路起見。頒此「新事」之諭。准定公教人。聯結社會之要素。訓人於工作藝術一道。須將納匝肋家庭之善表。認為模範典型。此諭頒後。幸信民一律謹聽善牧之聲。各國於創立社會。及擴充實業。皆有人倫道德之進化。今日教皇見公教人民際此競爭時代。飲水思源。不忘根本。行此公教人之紀念慶典。聖心欣悅無似。祝公教聯合團日日於平安道德公義仁愛等。逐漸進步。親降該公教團衆人。以宗徒遐福云云。○聖達爾濟西烏斯會。乃羅瑪公教青年子弟。結成團體。定於年中某日某時。同入地窖聖所。身穿古時教友之衣飾。行恭領聖體。及與祭等禮。本年五月二十九日。適值該會成立後第十週年紀念之日。清晨於地窖內之下層。教皇小堂內。行祭一臺。祭畢。主教法倍利公 M. Fabretti 由下層小堂內。手捧聖體。供至上層前聖達爾

濟西烏斯墓處。午後某司鐸開講演說後。會員排隊。恭迎聖體。遊行於脫拉比斯德修會之花園內。該會修士今任看守地窖聖所之職。由樞機主教帥拉飛尼公手捧聖體。恭行迎聖體大禮。襄禮者有東方主教數十人。及該會全體會員。皆穿古時服飾。甚為可觀。其餘教友之恭與迎聖禮者。頗形擁擠。

本國之部

○北京 法文公教報載有楊家坪苦修院 *Trappe* 歷史記畧一則。節

譯如下。一八七〇年華諦岡開大會議時。北京主教特賴撥賴斯 *Mar Delaplace* 公在羅馬遇見司刀爾辦爾 *Solbert* 望族某君。謂將投入蒲魯塞勒附近之幽克來 *Loces* 聖衣院 *Carmel* 中。矢志貞修。並以巨款。託付主教。請在北京主教區內。隨意創辦一種公教事業。主教思前想後。以為欲辦最好之公教事業。莫如在北京教區內。荒山中。設一苦修院。且此事在前北京全區會議時。本已認為必要者。而其時傳教部長樞機西漫奧尼 *Simon* 公。又甚讚許。主教當即委託樊國樑 *Favier* 公着手從事。公乃親赴法國諸修院中。敦請派員來華。組織苦修院。帶米愛 *Famé* 修院長愛拂郎賽鳥爾 *Dom Ephrem Saignol* 公。及其上游熱羅瑪蓋那 *Dom Jérôme Guénat* 公允之。決擬來華辦理修院。以是時該院經費。適甚竭蹶也。而院長於動身前。特往都靈謁見乃友大賢童鮑司高司鐸。請定新修院院名。司鐸以「神慰之聖母」名之。並取都靈神慰聖母之影片。而書於其後。曰。主宰當降福於爾與爾之事業。聖母當永為爾佑。此片至今珍藏於北京楊家坪苦修

院中一八八三年春院長乃偕一輔理修士起程來華。秋復有二司鐸偕一輔理修士至。但非自帶米愛修院而自克賴斯弟亞 *Grace-Hieu* 修院中派來者。未幾歐西帶米愛修院之財政復活。於是以前四散之修士紛紛回院齊集。而華人方面之事業置之腦後矣。即上文所言之二位輔理修士亦遂聯袂返歐。至此乃僅有此年老衰邁之院長與二位年少而無經驗之司鐸。在華担任創立新修院之重任。遂先招收修士設立學校。初則概以公教要理訓授學童。繼則擇其聰穎者授以拉丁文。以造就將來之傳教司鐸。其餘諸生誨以熱心敬主。以養成他日之輔理修士。既有北京籍之王司鐸惠然來投。於是多一助手矣。一八八七年又自賽豐 *Seul-Fons* 修院來一司鐸。則即現任修院長是也。未幾以一八八三年來華諸司鐸中之一伯爾納篤 *Dom Bernard Favre* 司鐸爲院長。替人以愛公已年高力衰不復能勝重任故也。一八九二年爲應達主教 *Mgr Tagliabue* 公之請。改神慰之聖母苦修院爲神慰之聖母大苦修院。而以瑪利伯爾納篤華物爾 *Marie Bernard Favre* 公爲院長。以其前在賽豐院時已由馬倫主教特戀勃來才 *Mgr Dreuix Bregé, Moulin* 公聖爲大修院長故也。先是該修院雖已由特主教先後撥地。建築院舍。而其他應用之物。猶均一無所有。經費無着。勢甚岌岌。而據傳教報 *Missions Catholiques* 所轉載之中國苦修院成立之歷史一書所云。此後扶助該修院事業之發達者。亦非帶米愛與克賴斯弟亞並賽豐三修院之力也。以其時渠等適皆自顧不暇。無能爲力耳。旋因特公謝世。達公繼任北京味增

爵會。慨允該院。在困難時。設法臂助。於是楊家坪院中諸修士。始得有恃無恐。精神專注。積極進行焉。附近羣山中。野杏樹本甚衆多。其菓賣價。亦尚昂貴。修士等遂先在院外。接種野杏樹數千顆。旋又芟除荆棘。開闢草萊。勞其手足。以去碎石。勤其來耜。以墾荒土。加以播種灌溉之功。不數時。而白菜、蘿蔔、生菜、黃荳、法菜、華菜。皆已勃然生長。修士不復有枵腹之虞矣。更以出售野杏之代價。以及彌撒之收入。積少成多。用以購買院中之所缺者。如油、米、麥、布等類。殊甚得計也。院長伯公。又親詣歐洲。募捐二次。並有不留名之善士。捐款若干。以及達公之遺產。與大哈爾忒亂斯 *Grande Chartrouse* 修院暨四川傳教士光苦翰 *Guichanni* 公之數千法郎。集液成裘。遂能擴充院舍。鳩工建築。惟隨時經費之補助。仍以味增爵會之力。爲最多焉。拳禍之時。楊家坪修院。一如北方其他公教機關。同受艱難。所幸者。除院長伯公。適在此時謝世外。其餘諸修士。均得保全。且有多數附近教友。避居院中。安然無恙。惟際此世局擾攘。公教遇厄之秋。各種公教事業。莫不呈露衰敗黑暗之象。令人不歡。迨及亂事既平。風波消滅。乃如一旦撥開雲霧。重睹天日。於是彌撒經也。聖堂也。未栢也。卽一一恢復其用途矣。所遺之廢砲。則易作通水之管矣。所留之砲臺。則青苔漸生矣。而一切器具。如叉也。茶壺也。蠟臺也。泥瓶也。其原有之用途。一一恢復矣。清晨早起。但聞叢林之中。鳥聲瀝瀝。依稀四海昇平。正農夫耕田之日。無嘗有絲毫軍營之氣象。院中修士。重理舊業。載耕載種。樂也何如。其勢蒸蒸日上。日見發達。時至今日。共有司鐸十九位。院長在內。唱經生

二十位。輔理修士四十二位。可謂盛矣。屈指該院成立。建築院舍以來。已三十有三年。初如風雨飄搖。備嘗艱辛。繼乃漸除障礙。以至穩健之地步。中西人士。投奔日衆。羣策羣力。組織一正式之大修院。謂非以諸修士熱心祈禱。耐苦貞修。信德堅深。邀得上主鴻恩。安排一切。而能若是乎。總之北京特主教之初願。今已達到。前爲理想。茲成事實。且其初已受大難。根本堅固。非復如幼弱之嬰孩。而可儕於成人之列矣。中國各地傳教士。與諸教友。均可於此得莫大之神慰。西諺不云乎。雖在昏天黑地。毋畏。苦修院中之神兄神弟。均在爲我儕祈主也。○蒙古。歸化等處。匪勢猖獗。生靈塗炭。已迭誌本年本報第二第四第五期。茲又得鄂爾多斯新聞一則。所言受禍之地。頗與前數次相同。而時日匪黨。與前迥異。合姑節誌如下。畧謂自北京國體問題發生以來。蒙古邊境各地。甚不安靜。盜賊並興。秩序紋亂。有所謂獨立團者。乘機出現於蒙古北部。其中爲首者。固不乏聲望素著之人。無如部下之人。多係烏合之衆。不服命令。不守軍律。故該團對於地方。似係有害而無裨益。其初彼等本擬圍攻包頭。(譯音)奈無大炮。遂退向薩拉齊城進發。其處駐防適已他往。該團僅派馬騎三十爲導。縣知事聞訊。不問虛實。卽先棄城而逃。於是全被佔據。而一般無智無識之人。每以爲縣吏去後。可以不納捐稅。不照法律。自由無束。暢所欲言。因是反爲欣喜。該地方善良之居民。由此大受蹂躪矣。良以其時秩序。已不整飭。人心惶惶。百業停頓。大有今日如此。不知明日何如之象。下流者。旣爲飢寒所迫。生死莫卜。不肖之心。隨時陡起。或以所剩之

錢買酒狂飲。或以所蓄家禽。宰烹大嚼。旋遂如狂如癲。四出劫掠。依稀怒濤澎湃。銳莫能當。僕在沙爾沁鎮。親見此等現象。各街各道。亂民擁擠。人聲曹雜。爲勢兇兇。均向典鋪店家。紛紛衝入。任意搶劫。各自踐踏。各自爭奪。強凌弱。大欺小。種種慘情。不勝枚舉。約計一連大鬧二天。旅行客人。孤行婦女。路過商人。無一或免。而在被搶者言之。則真如驚弓之鳥。恐慌過甚。竟將抵抗之精神。消滅俱盡。咸成束手待斃之客。如某村。窺駝棚中。共有防守者八十人。竟被少數手無寸鐵之無賴鄉人。盡劫擄駝而去。設當時防守之人。稍與抵抗。即可驅退鄉人。乃於恐懼之餘。不敢稍動其手。良可憐焉。厥後政府軍至。各暴徒卽畏罪匿跡。蟄伏不出。幾如麻雀見鷹。心胆但碎矣。翌晨。又有多數軍隊。派來攻剿。及晚。獨立團亦遂棄城而去。他處居民聞之。又大生驚慌。未幾。果有多數村落。夜間火起。犬吠之聲。終夜不絕。附近居民。均不敢解衣以睡。俾禍來時。易於逃脫。傳教士等。往往爲教友喚醒。曰。獨立團來矣。獨立團來矣。頓時哭聲四起。火光迫近。此情此景。言之慘然。翌晨起視。則但見暴徒遍野。姦淫擄掠。無所不爲。小民無辜。受此浩劫。可憐亦可哀矣。一言蔽之。獨立團經過之處。先後六日。莫不呈露淒涼之現象。旋被政府軍所逐。乃向西而去。二月七日起。在包頭盤據。亦已二日矣。在此擾亂之時。教會亦被波及。固無待言。然幸主宰默佑。除建築物焚燬二處。聖堂被搶三次。以及銀洋馬匹等之損失外。教士中竟無一傷亡者。謂非主宰安排。曷克臻此。惟目下處境。實甚困難。姑不論傳教救靈之神事。卽以支持現象言之。已有岌岌可危之勢。一

則彌撒之費。來源既竭。二則尙有女童三千餘名。須爲養育。三則有數萬教友。尙皆仰食於教會。嗚呼。誠困難之尤者也。伏祈四海仁人君子。有以救濟之也。○又北京法文公教報云。五月六日。有自鄂爾多斯之甯刁林通信云。鄂爾多斯之南。有荆邊安邊宗邊三小縣。而在介於其間之甯刁林。小刁浜。都子林。班尼。荆子。均係奉教地方。自小刁浜之教堂。至榆林府教堂。約需六日路程。至涼州教堂。需十三日。至甯刁林。亦需六日。其處教堂。係在拳禍發生之前一年所造。幸賴主宰護佑。亂時並未燬。四月十三日。有盜匪二千。自黃龍山至甯刁林。旋聞政府軍將追至。彼等遂如迅雷疾雨一般。沿途劫掠牲口而去。司鐸堯 (D'Almeida) 公蓄有二馬。亦被劫去。而至榆林一帶之鄉民。被其慘斃者。頗不乏人。後一日。至西基塘。其處居民。欲與反抗。被斃百餘名。旋在高家坡及榆林附近。亦斃數百名。其行爲與白狼相似。隨到隨搶。旋卽策騎而去。每人約有二三馬不等。自騎一馬。餘載贓物。劣馬則均殺斃路中。而政府軍往往在匪去後一日始到。十四日。有政府軍一千左右至。其行爲較匪徒尤爲兇橫。姦淫擄掠。無所不爲。所有教友二千餘名。悉來避居教堂中。此後匪衆至安邊地方。其處駐防。殊尙勇武。雙方爭戰。擊斃匪徒數十人。兵士死者十名。傷者二十名。於是匪衆向慶榮府奔去。復將桑沈李坡搶掠一空。蓋以前已曾至此一次矣。但在此次。並未放火殺人耳。繼由甯州向東北進發。目下當在西安府等處無疑也。十日後。又有所謂獨立團者。約二千餘人。來自貴華城與包頭。儘將田中所有。搶掠一空。又放火燒去多數房屋。向西北

而去。當至毒霍。其處駐防甚少。而富戶頗多。居民等受其荼毒。不言而喻。未幾。回往原處。並在包頭。將傳教士四名。幽禁堂內。不令外出。卒由上主護佑。得獲不喪其身。厥後更有蒙匪五百來此。即係獨立團中之一部分。在榆林上戰敗後分散者。有教友二名。被其殺斃。餘均避入教堂中。尙得無恙。外教人被殺者尤夥。受苦尤深。種種慘禍。實難枚舉。惟目今居民少。其大半田畝荒蕪。一無所產。地瘠民貧。何以爲生。此情此景。言之悽然。則維祈主在天默佑。勿使此間公教事業。一蹶不振耳。（以上地名皆係譯音）○西灣子於五月初一日。公教進行會成立。諸凡草創。併未大備。旋於聖神降臨瞻禮日。特開成立慶典。初次大會。各職員先期籌備一切。假育英學校。陳設一新。結綵懸旗。燦爛奪目。至期十點鐘。主教行大禮彌撒。彌撒後。因時間太促。即擇定於午後四點鐘開會。及時學生隊。執花先導。繼以音樂隊。又繼各會員。主教率領諸位司鐸。魚貫而行。到育英學校。是日除入會者四十餘名。又請到各界來賓。間有佛教並回教徒。共六十餘名。主教與各司鐸坐定。即請來賓入坐。學生隊首先唱歌。慶祝主教各司鐸。併進行會之精神發達。歌後。會長樊君恒安。出席報告。畧謂今日開會。辱承主教司鐸。及各來賓等光臨。爲莫大之榮幸云。繼副會長趙君之文。登臺演講。畧謂今日吾輩。咸來慶祝公教進行會之成立。適值聖神降臨之慶日。不禁憶及當日宗徒。是日領聖神之恩。散布天下。廣傳福音。吾輩亦即宗徒後人。繼續芳踪。亦當由此進行云。末由修院院長石司鐸登臺。演說進行會如何進行。分端詳論。悉中肯綮。衆皆鼓掌。當場

簽名入會者四十餘名。其中有佛教布商二人。然後招待員備進茶點。請主教司鐸並款待來賓。與會友旋由主教降以遐福。至天井攝影後。各自盡興而散。附石司鐸演說詞。鄙人本不慣演說。惟是既承囑託。義不容辭。爰就管見所及。畧爲條陳。公教進行會之名義。想諸君早已洞悉。今只就其性質。伸叙數端。約畧言之。諸君所入之公教進行會。具有特別性質。非如世俗所立之社會黨、國民黨、籌安會等。其所求者。不外社會之公益。與夫現在之名利耳。今諸君之進公教進行會者。乃求盡對於自己。對於社會。對於聖教。及對於國家之責任者也。今欲盡其責任。必當鼓動個人之精神。聯絡團體。銳意進行。非只圖表面上之進步。如言語改腔。衣冠改裝。拾外人之唾餘。而卽自爲文明進化也。今將對於個人進行之責任。約而言之。對於個人之進行。尤爲當務之急。有刻不容緩之勢。語云。求木之長者。必固其根本。欲源之流者。必濬其泉淵。今先培養個人真正道德之根本。以爲進行之基礎。不使一切惡俗私慾。侵染其心地。防微杜漸。無隙可乘。則如白圭無玷。方不愧爲耶穌之忠徒。雖處污世。而不與世同污。卓然獨立。日新進行。責不旁貸。雖賢關聖域。不難捷足先登。如此則於個人進行之前途。實有厚望也。今觀普天之下。文雖不一。語言各異。莫不在愛德範圍內。今就君等祖國而論。四萬萬同胞之衆。教友尙不足二萬萬。天主特揀君等入教。幸識造化真元。何不大聲急呼。喚醒世迷。使人人共登道岸。得觀真光。若仍袖手坐視。於心何忍。是以糾合同志。設此公教進行會。挽救頹風。輔助社會。以我之知所能。教彼之不知不能。余

嘗見盲跛。行於羊腸鳥道之上。此在常人猶有殞越之懼。况於盲跛乎。二人困難。已達極點。二人正猶疑之間。忽想妙計一條。盲向跛者曰。來。吾背負爾。爾告我以當行之路。二人狼狽相依。始脫於險。君等處世。亦當效此二人之彼此扶持。互相砥礪。不至遇難心灰。半途而廢。更思借助他山。銳意求進。如此則社會進行之前途。不難達到目的。願諸君注意之也。方今中國聖教之現象。宛如孩童之幼稚時代。雖構胎於有唐。產於有明。乳於清初。目今正幼稚時代。雖離乳母之懷。然一切飲食起居。尚須乳母扶持。方免飢寒凍餒之虞。然其乳母。遠隔重洋。尚在歐洲。不克隨時照料。今就傳教欸項而言。盡皆仰給於歐洲熱心教務之信友資助。其在平時。猶能源源不絕。一旦有事。自顧不暇。何克顧恤其子哉。即如目前歐戰擾攘。彈雨鎗烟。奔走戰場。性命難保。何暇顧恤遠東哉。為今之計。諸君當設一補助之策。庶使來源不絕。有備無虞。首當注重傳教士之來源。即宜多建學校。培養子弟之道德根本。既精普通之學識。有志神修者。招入修院肄業。道學既成。升為司鐸。則教士之源遠流長。何患無繼起之人哉。次則廣置財產。為生財之道。財源既足。則於傳教及行各種慈善事業之經費。方無掣肘。萬事並興。成效日著。願熱心諸君。注意維持。將見四萬萬同胞。共入聖機。共屬一牧。余來華之目的。達到日夜心香禱祝者。正為此也。請再言國家之進行。今中國地廣人衆。富庶甲於天下。文化古邦。迄今如老大病夫。委靡不振者。豈無故哉。實因其常抱守舊主義。不思變通。因時制宜。以此日見衰落。並且列強爭雄。垂涎已久。大有虎視鯨吞之勢。

且傳瓜分豆剖之談。國勢日危。朝不保夕。方思步人後塵。推翻專制。立爲共和。較數十年前。雖大有進步。然其中缺點。更屬不少。諸君既生長是邦。食毛踐土。卽當振刷精神。盡個人之天職。補漏卮。挽利權。使祖國不受外侮。蒸蒸日上。可與歐美爭雄。並駕齊驅。諸君之責任。亦大矣哉。願諸君勉之。余日望之。○長春 該處天主堂。向例每年於聖體瞻禮日。大彰慶賀。舉行聖體出巡大禮。今年六月二十五日。值聖體瞻禮之期。施大司鐸。特於十數日前。籌備一切。高搭彩棚三座。飾以五色花朵。輝耀眩目。是日。天晴氣朗。大衆歡然。上午八時。主教藍大司牧。行堅振禮。領主者。有二十餘名。禮畢。由田大司鐸。主祭。舉行大彌撒。以夏劉二司鐸。爲五六品副祭。彌撒畢後。主教升臺。捧聖體出巡。有司鐸八位。皆穿白緞祭服。又有會長四位。亦一律白衣。陪扈聖體。一路歌聲經聲。同時並作。至爲悅耳。鞭炮齊鳴。振人耳鼓。香花遼繞。熱鬧異常。十字苦像。高擎在前。執燭者。相隨在後。按次徐行。秩序不紊。後有育嬰堂女孩。仁愛堂高初兩等女學校全體教員學生。以及聖體之後。全體男校學生。各處男女教友。莫不排列成行。緩步前行。儀容整肅。令人起敬。終回聖堂。行聖體降福。大禮告竣。時已十一下矣。又是日午後三時。天主堂設立之高初兩等男學生。開運動大會。(一)環球競爭。全體和唱。(二)單足環旗競爭。(三)傳旗競爭。(四)步行袋中精神活潑。均頗可觀。直至五時而止。○吉林 羅神學院。每年逢聖體瞻禮之期。本有舉行聖體出巡之例。茲於六月二十日。清晨彌撒後。另設祭臺於院中。高懸國旗於空中。午後三時。舉行聖體出巡。

大禮。以總鐸古公主禮。身披祭服。恭捧聖體而行。全校學生。一律穿着白衣。與城中男女教友。排列兩行。緩步隨行。週巡院內。載歌載唱。熱鬧非凡。及至新設祭臺。由主祭者登臺。行聖體降福大禮。大眾跪領。旋復整隊回堂。重行降福。約歷一小時之久。始各出堂散去。○陝西通遠坊天主堂董司鐸來函云。司鐸李公。諱瑪寶。陝西藍屋縣東南焦家街人也。性情溫良。沉重寡言。少長。即抱救人志。年十七。蒙父母准許。入高陵通遠坊大學堂。修道肄業。忻懃攻讀。不稍懈怠。閱數載。格致超性諸書。靡不貫澈熟悉。遂於前清宣統三年春。晉陞司鐸。傳教於三原。涇陽。高陵。臨潼等處。所至屋舍不擇。飲食不講。人或問其所嗜。終不示知。家穀野蔬。尤爲其常餐。無故厚味。絕不沾唇。嘗逢大瞻禮日。以來求告解者。過衆而力乏。甚至食不進。眠不寐。勿顧也。會長或阻止。公不可言。已雖疲甚如是。若不及此行。點善工。恐日後無功。無以見主。况此係吾分內事乎。此後勿復再阻。可耳。總之。凡關神工之事。公無不竭力行也。至於待人。極爲謙和。從未厲色示人。故屬下教友。莫不感激愛戴。仰若父母。其惠愛貧病。尤堪稱述。途遇貧人。不分教內教外。輒與言談良久。故人戲謂司鐸知友。皆乞兒病夫。公又節儉。衣服皆以粗布爲之。或以司鐸係人民觀瞻勸之。始服蠶帛。敗絲之類。客歲四月。奉命往省垣。經理醫院。地固衝要。事絲紛繁。兼之體素瘠弱。遂致積勞成疾。一病不起。備領聖事而逝。時民國五年五月九日。年三十四。卜葬於西安南堂內。遠近教友聞訃。莫不同深悲悼。嗚呼。公懷德品。未享長年。誠可太息。然而恩澤及人。德聲留世。懿行苦操。山河

同承。雖天亦壽矣。○香港。安老會女修院在中國。共有二所。一在上海。一在廣州。現已擇定在香港。增設一所。於日前動工。起建院舍矣。○四川。去年聖體瞻禮日。重慶仁愛堂舉行第一次迎聖體大禮。今年六月廿二日。聖體瞻禮未至之前數日。舒大司牧飭令。仍照去年。舉行迎聖體禮。由仁愛堂起。恭迎聖體至聖心堂。預定秩序。屆期遵行。廿二日午前九下鐘。各堂教友紛紛齊集仁愛堂。由主教舒大司牧舉行聖祭。祭畢。行迎聖體大禮。秩序如下。第一隊。普通教友。均二人排行。前有大花十字引導。第二隊。各堂經課學生。第三隊。各堂國文學堂學生。第四隊。啟明學堂學生。第五隊。公進行會會員。第六隊。各位司鐸。白衣方巾。唱辣丁聖詠。次即持燭人數排。再次聖體行動帳。由四人舉之。皆一律白衣方巾。帳下即舒大司牧。披大禮服。恭捧聖體。左右二人扶之。緩步徐行。聖體前。持香爐者。各皆獻香。不輟。撒花者。不斷獻花。第七隊。仁愛堂西修道士。暨衆學生。第八隊。聖心堂華修道士。暨衆學生。第九隊。育嬰堂衆女生。以上各學生等。皆一律白衣花冠。第十隊。普通女教友。在法國領事署前。設有祭臺一座。舉行聖體降福。衆皆跪領。沿途唱經之聲。不絕於耳。直到聖心堂內。又行聖體降福。禮畢。回仁愛堂。亦行聖體降福。奈堂小人衆。有多數教友均在堂外佇立而已。○江西。嚴滌修司鐸。贛之建昌人。生自外教。自幼穎敏喜讀。且具慕道心。年十九。適有友人贈以聖教道理一冊。公閱竟喟然歎曰。真道其在斯乎。遂求入教。逾年受洗。禮即棄俗修道。旋勸迺弟同修。未幾。相繼陞鐸。德在贛東傳教有年。名譽卓著。先是公陞鐸時。

會入聖味增爵會。後奉上游之命。至贛省北境傳教。迄今已五旬餘矣。本年六月廿二日。值公入秩榮慶。主教樊公喜其德。尊其齒。特偕南潯等處司鐸。權杖親臨。以申敬賀。本堂柏鄧羅三司鐸。甚表歡迎。樂爲招待。知事費公。警佐洪公。亦均親詣聖堂慶祝。並派護勇及巡警數名。荷槍前導。各方教友。牽羊擔酒。抬匾肩屏。携聯持帳。盈溢道左。輿馬紛紛。音樂鳩鳩。邊爆連響。號鼓爭喧。一時黃童白叟。絲鬢青年。觀者如堵。堂內張燈結綵。至則懸匾覲見。屏聯壽帳。墻壁皆盈。翌日九句鐘。公行彌撒大祭。五六品副之。祭畢。音樂交作。各處代表信友。敬請主教暨公。以及諸位司鐸升座。分排行禮畢。有學童數十。恭唱祝辭。歌罷。三呼萬歲。攝影紀念。聖體降福後。已鐘鳴四下矣。○湖北來函云。棗陽縣二百年前。東北鄉已有會口數處。維時地方風氣蔽塞。人民知識淺陋。信教者寥寥無幾。迨前清光緒初年。司鐸徐光承始在城內租屋宣講聖道。人民漸漸歸化。迄今三十餘年。經歷任各司鐸。苦心孤詣。多方勸導。暇時卽與文人墨士。富商貴介。應接往來。談論天主聖教。於是棄邪崇正者日衆。若非上主默佑。曷克臻此。而今統計闔屬教堂。大小四十餘處。領洗信友七千餘人。保守者千餘家。每年受洗者五六百之多。教會發達。不言可喻。今年春。本堂司鐸郭公魯。岩羅公雲亭。熱心教務。在城內設男女學校各一。延聘品學兼優之男教讀三名。女教讀二名。分任工課。計男校肄業者八十餘人。女校肄業者四十餘人。學費修金。概係司鐸籌備。并不納學生分文。今距開學不過數月耳。而各生之成績。已大有可觀矣。斯值暑假之期。特爲諸生攝

影二張。以誌紀念云。上期誤以鄂西李副主教爲鄂東李副主教。鄂西之李公固已作古。鄂東之李公文秀現仍康健如常。記聞失檢。歉仄良深。率爾之處。所敢不辭。並承漢口陳司鐸惠函示及尤感特謝。○山東 武城縣十二里莊之有公教於今二百餘年矣。各種公教事業。尙稱發達。惟學務一門。進行頗滯。人材罕見。勞總鐸有鑒於斯。不惜資財。延請明師。大加整飭。創辦男女學校各一所。以宏造就。科目完備。教習熱心。生徒日衆。現有男學生四十名。女學生三十名。大有蒸蒸日上之勢。至於校中之規則課程。則在武縣境內。亦當首屈一指矣。聖教之廣場。天主之光榮。誠皆寓於此也。○安徽 貴池縣來函云。去歲八月二十四日。沈知事鈞到任以來。卽與此間堂中修士蔡君。作莫逆交。單總鐸有鑒於斯。凡有教案發生。卽囑蔡君抵署。與沈知事斟酌妥置。雖係該知事本其公正無私之心。一律解決。而以與蔡君篤誼之故。諸教民間接受惠。亦非淺鮮也。池地素不易治。而沈知事到任迄今。未及一週。警察爲之整頓。街衢氣象。爲之一新。不第匪盜全無。而穿窬小竊。亦未之有聞。士農工商。男女老幼。莫不色喜而相告曰。沈鈞在此。我地可靖。我曹可安。中國官吏。盡若沈鈞。則國家可富。地方可靖。人民可安。中國可強矣。二月十五日。沈鈞晏單郝兩司鐸及蔡君於縣署。四月二十八日。單總鐸晏沈鈞及王湯二隊長於本堂。籌觥交錯。其樂融融。然沈知事單總鐸。如此相善。民教如此輯和者。皆蔡君之力也。職是之故。沈鈞亦雅不欲其卒然回滬。用特致書姚大司牧。留任一年。茲將該書轉誌如下。以供衆覽。書云。大司牧先生大鑒。

久仰仁風。未親雅範。私衷仰企。與日俱深。辰維道履勝常。爲无量頌。啟者。池邑民教。頻年來屢有支吾。鄙人幸池。行將及載。遇事開誠布公。無偏無黨。悉本法律解決。尙稱融睦。固由單郝兩司鐸宅心公正。亦由該堂大修院哲士蔡君志裁。明於法理。和平中正。遇事維持調護。得以收此良果。茲聞蔡君更替在邇。事易生手。似非所宜。可否商懇台端。俯念蔡君人地相宜。再行留任一年。俾民教日臻輯睦。地方幸甚。端此奉懇。順頌道祉。貴池縣知事沈鈞啟。○上海主母會修士在虹口開辦之聖方濟各學堂。名譽素著。無待贅述。現有華學生二百餘名。東西學生三百餘名。六月二十九日暑假。並行獎賞華學生禮。來賓頗衆。潘司鐸演說。以學生應有道德與責任心爲題。旨三十日行獎賞東西學生禮。中西來賓到者頗多。所行各種禮節目次如下：(一)背誦。(二)唱歌。(三)英文劇。(四)報告分數。(五)發給證書與獎賞。又此次奇考英國岡勃利大學秀士試者。共取廿餘名。首列二名。均係華生云。法界敏體尼蔭路中法學堂。亦於三十日暑假。並行獎賞禮。法副領事德賚沛君蒞校。代表總領事那齊君。宣讀頌詞。畧謂總領事適有要公。不克來校給獎。特喻鄙人爲代表。道達歉忱。並致甚願親臨。稱賀諸生學業有成。並訓勉諸生力圖上進之誠意云云。七月一日。羅家灣震旦學院放假。來賓甚衆。以次授給證書。中間由學生朗誦法文四篇。繼由江南倪會長法文演說。以用心恒心忍耐心爲題。旨。次法總領事那齊君演說。

首則鑽譽學校之成績優美。終則宜稱其願竭力贊助滬地之法文學校云。又次江蘇教育會代表某君誦詞。又次第二師範校長賈季英君演說。以須有信仰心為題旨。並將宗教與教育之關係。切實發揮。多中肯綮。終乃給發豫科畢業文憑。高等補習科李維鈞則得技師文憑。○徐滙公學亦於是日放假。並行中學與高等小學畢業及獎賞禮。計此次得有中學畢業文憑者三名。丁汝仁、高充奇、最優沈伯清、優等高等小學甲班畢業者二十二名。邱鎔才、江節、朱仁炎、最優錢雲生、鄭榮生、張祖善、沈福田、龔善繼、吳潤生、潘煌、柳中煒、黃子梅、張濟會、夏誠一、柳中熾、廣裕、圭、優等馬延弼、萬益、瑞榮、序馨、楊沛、臣嚴、士雄、姚貽訓、中等乙班畢業者亦二十二名。朱錫祺、張登義、張登佑、張登堂、最優劉郁辰、艾振林、賈品儒、李式金、劉濟才、黃其元、潘憶生、周國恩、周得勝、蔣鼎臣、龔品梅、朱亮采、駱贊元、徐元生、杜感恩、優等蔣朝宗、徐懋福、平安、康中等。○董家渡唐西滿司鐸。向在該處傳教。勤勞素著。現年八十有六。矍鑠異常。茲值晉鐸後五十年金慶之期。該處眾華司鐸。特於一日午後。開會慶祝。誦詞唱歌。極盛一時。二日公教進行會。開常年大會。選舉職員。同時又為附設之進行學校。開懇親學藝會。順序如下。一、搖鈴開會。二、奏樂。三、會歌。四、監督宣布開會宗旨。五、陳瑪公演說。六、各部報告。七、學藝會歌。八、修身作法。 (國一) 九、對客揮毫。 (高一) 十、國文朗誦。 (高一) 十一、遊花園歌。 (國三) 十二、抽籤默書。 (國二) 十三、畫圖漁樵耕讀。 (高二) 十四、蜻蜓形行進。 (國二) 十五、國文背誦。 (國三) 十六、習字。 (國三) 十七、學校

樂。國二) 十八、美國式新徒手。(高一) 十九、競算。(國二) 二十、黑板畫。(高一) (國三)
二十一、算述遊戲、布置周密。(高一) 二十二、遊技旗操歌。(國三) 二十三、國文朗誦。(高一)
二十四、習字。(高一) 二十五、遊技時計。(高一) 二十六、國文背誦。(國二) 二十七、遊技送春歸。
(國二) 二十八、川流不息。(國三) 三十、校歌。三十一、奏樂。三十二、搖鈴開會。○又七月二十
二日晚七時至十時二刻、公教進行會、開會演劇、恭賀唐大司鐸西滿、晉鐸五十年大慶、司鐸到
會者五十餘位、來賓入場券、共發五百餘張、劇名古聖若瑟、全本、由會員同人中文編輯、主任編
演朱鳴岡君、背景畫主任朱品谷君、共十五幕、新衣、鬻弟、哭墓、轉賣、欺父、被誣、入獄、詳夢、羅糧、携
弟、救兄、查杯、露真、報喜、團聚、茲將登場人物與扮演者姓氏職業、詳列如下、雅各伯、莊允升、求新
廠賬房、進行小學主事、幼年若瑟、朱寅生、肄業家塾、壯年若瑟、莊劬、徐滙、公學及南洋公學教
員、魯本、朱鳴岡、鴻源紗廠賬房、西默、益、周銘、初、新普育堂駐辦員、及本會文案、本雅明、朱寅生、勒
未、周允文、鴻源紗廠、如達、沈杏、初、沙遜、洋行理事、色布、陸、訪、漁、華商電車公司、衣、散、格、爾、王、天
佑、中法銀行理事、丹、諸、銘、望、中法銀行理事、加得、裘、維、義、華商電車公司、亞、色、爾、朱、簡、生、震、旦、學
院肄業生、納、勿、大、利、羅、祥、慶、製造局電報生、侍者、江、耶、徐、寶、琛、法、興、報、館、譯、員、普、地、法、勒、周、銘、初
法、勞、陶、秋、寶、華、商、電、車、公、司、術、士、甲、朱、希、生、震、旦、學、院、肄、業、生、乙、陸、問、樵、徐、滙、公、學、肄、業、生、丙、諸
宏、錡、中、法、銀、行、理、事、丁、周、允、文、商、人、甲、諸、宏、錡、乙、宋、芝、卿、聖、芳、濟、肆、業、生、罪、犯、甲、諸、宏、錡、乙、徐、寶

近事... 本國之部

琛司酒、朱簡生、司麵、宋芝卿、帥府譯官、徐寶琛、扮演諸君，精神活潑，做工周到，口齒清晰，致令觀者或驚或喜，倏哀倏敬，鼓掌之聲不絕於耳，洵盛事也。翌日晚七時半起，又演長片活動影戲，直至十一句鐘始各盡興而散。○七月二日，本滙聖母院行迎聖體禮，惟在院內舉行，概不出至院外。女教友到者甚衆，熱心異常，所有禮節約與上主日大堂迎聖體相類，不復贅。五日，聖母院內之崇德學校、聖誕小學及幼稚學校放假，並行發給崇德學校豫科與高等小學之畢業證書與獎賞禮。各種禮節目次如下：(一)鋼琴合奏，給發品行及要理獎。(二)單人唱歌。(三)中文談話，給發中文獎。(四)法文談話，給發美術與法文獎。(五)奏琴。(六)幼稚生合唱，發給幼生獎。(七)奏琴，發給圖畫獎及畢業證書。計圖畫高等畢業者一名：趙承俊、豫科畢業者三名：張翠芳、張德寶、沈秀英、高等小學畢業者七名：茅秀珠、張優悟、蔣安寶、倪秀英、陸志貞、朱亮寶、陸月娥。七日，啟明女學校行暑假與畢業禮，來賓頗衆，各有演說，禮節目次如下：(一)鋼琴合奏。(二)唱歌。(三)英文演劇，給授文憑。(四)體操。(五)唱歌，國文獎賞。(六)胡琴合奏。(七)體操，美術獎賞。(八)法文演劇，西文獎賞，勤準上課獎賞。(九)中國演劇。(十)閉會歌，計國文班、豫科畢業者六名：高君玖、孫熙治、吳南箴、最優：蔡文媛、李景照、陳筑成、優等：初等小學畢業者十八名：吳申、金孫庭、珍、匡秀蓮、高懿德、洪瑞珍、孟兆蘭、最優：鄧耕隸、王崇智、蔡文珍、錢守玉、王洲、貞、謝祖玉、袁美英、孫佩珍、優等：程知禮、董龍珠、劉玉貞、吳寶珠、次優：圖畫班、高等科畢業者五名：陳桂英、最

優葛錦高若雲鈕九如吳南箴優等豫科畢業者十二名張粹清許麗卿鄭若溶施玲珠王釐文最優吳世良高君玖陳筑成姚家琦查鄂英優等楊同康仇啟芳次優法文班豫科畢業者一名許季文英文班高等科畢業者二名許璘吳福珍中學畢業者一名趙承俊豫科畢業者二名秦信芳仇啟芳

外國之部

○法國 巴黎聖特尼大堂（即聖弟阿尼削）於本年五月二十五日行紀念遷移聖骸瞻禮據云法國於一千七百九十三年革命大亂時聖特尼及聖呂司的格聖愛勒烏歹爾之聖骸由一位修士救出至一千八百十九年經衆人行大禮復迎至大堂內善爲珍藏是日清晨行大禮彌撒午後唱晚課經演講聖骸之歷史并恭迎聖柩周巡聖堂一次恭扶聖柩者爲五品修士身穿五品禮服旁有多數修士手執得勝青枝整隊巡行內有軍人及教友等甚衆大足令人起敬起感俟聖體降福畢後准教友各自親近聖骸各抒祈禱敬禮之意（按聖特尼爲法巴黎大主保之一際此歐戰時期內法人之倚恃欽敬自然過於尋常云）○真福格利拔特蒙福爾係創瑪利亞會及智識修女會者本年四月二十八日爲真福歿後第二百年週日真福生於一千六百七十三年爲法國勃爾東省蒙福爾小邑真福平生以謙遜神貧著名適與魯索華爾歹爾等異學黨人同時真福到處周巡鄉里村鎮等處宣講聖道勸人歸正改悔一千八百八十八年列入真福品○巴黎致命山聖心大堂之耶穌被釘銅像由名家製就本年三

月二十一日。置在聖堂中。其像甚重。據云有五千噸云。○向巴湖某日戰事甚危。有一隊法國北境之步兵。忽然不知何故。圈入敵人炮綫之內。炮彈紛紛落下。而後隊之救兵。間隔甚遠。勢難前來助戰。正各人生死機關。尙未決定時。軍士中有人建議。求賢女聖嬰耶穌之救護。德肋撒若果衆能出險回家。誓必募捐公款。立一修女之銅像於其本宅。以誌感恩。發願畢。衆人不顧性命。奮勇異常。擬欲直衝敵人。以決雌雄。正欲衝陣時。忽然法國後隊之七十五大砲。轟轟開戰。德人頓時不支。漸漸退遠。發願之步兵。皆感激異常。內有喜極流淚者。即有一二不熱心之軍人。至時亦回頭改過。矢志善盡教友職分矣。○福女若翰納達爾格。誕生之地。桐雷米村。Donremy。從歐戰開幕至今。常有朝覲隊。前往祈求福女保護。法國軍人由戰場回里者。大半前往朝覲。懇求福女自天施救。法國一如彼之在生。親救法人出英人之手云。○囊德主教一日演講。社會對於天主之職分。有云。宗教對於社會。實爲緊要。外面敬禮。乃宗教之表明儀式。宗教對於社會。既爲緊要。則社會之外面宗教儀式。亦爲甚要。社會之宗教儀式。既爲緊要。則國家政府之對於宗教儀式。亦甚爲緊要之件也。前教皇良十三有云。國家政府爲政治社會之一。理宜有公衆儀禮。以盡社會對於天主之職分。若謂依個人而論。我輩皆宜恭敬天主。另有外面敬禮儀文。推其理由。以爲人人皆受節制於天主。爲天主所造所救。所保存。所恩佑。至於社會受節制於天主。亦同此理由。社會之成。由於個人。以多數個人。并成爲一社會。社會之存留。及其財產吉利等。亦皆受節制於

天主爲此國家政府既爲一大社會。不能於一切行政舉動中。儼然語人曰。以爲天主之有無。似若爲無足輕重者。國家以宗教儀式。恭敬天主。更以爲多事無益之舉者。凡此皆想入非非。所謂自相矛盾。不能取信於人者也。然真教惟一。他教不得視爲真教。真教爲我基督公教。則國家政府所當承認者。亦惟此獨一公教。爲真正宗教也。亦惟行此公教儀式。方爲正當合宜之舉也。○讓維延大司鐸第四次演講戰爭道理於巴黎聖母大堂。畧謂戰爭之不傷愛德者。須具緊要三端。一、須由正式政府宣布。二、含有極重要之理由。三、須達到正當合理之目的。有此三種緊要章程。方能不傷愛德。戰爭之不由正式政府宣布者。非正當之戰爭也。附從者皆有罪惡。至於正當重要之戰爭理由極多。卒乃闢駁一等似是而非之理由。有云：近日傳聞海外遠處。有人贊成獎勵一切攻擊敵人之法術。以爲某國合境常含革命心思。具有種種無宗教尙物質之習俗。以故爲預防此等惡習及劣俗之傳染我境。理宜抑制此等強敵。使其不能加害於我。欲戰爭之得有成效也。則不必戒絕野蠻行爲。凡可以制勝敵人者。皆可執行。以儆戒敵人之兇饒。云云。此等似是而非之學說。大犯哲學心理。余謂此說此理。非愛人之天主所准所欲者。乃嫉人之魔鬼。從中鼓吹而煽誘愚民者耳。初聽之下。不加細察。雖正人君子。亦爲之惑焉。我等犯罪作惡。固也。目下善人及真心愛國之志士。莫不痛哭流淚者也。然何國何人。不犯罪不作惡者耶。我等對於他國人民。毫無劣點情讓之處。我國不亞於敵國也。我國之劣跡污點。往往爲他國所倣效。而我國

之學業功德。他國未必奉爲模範。卽我合國之人不善。或我國之元首有過。然無人可以藉此口實。徑與我國宣戰。蓋無人得有天主命令。來罰我國人民也。至於文明開化一端。亦然如是。如云提兵調將。出征某處野民。欲該處野民同沾文明幸福。同輸學問智識。如其不肯向化。惟有用兵以征服之。云云。凡此學說。亦不合於我公教愛德之真解也。所最可嘆者。目下某國。醉心夢想。反此愛德真解。以爲人民中有一等皇親國戚。爲最有幸福之高族。彼等爲天主特別寵眷。彼等之學術權力。可以制服天下。彼等爲天主特選之族。彼等可命天下人民。效其行爲。遵其法令。若違抗其命令。不聽其約束。理宜嚴懲不貸。蓋萬民皆承認該貴族。爲天下第一等人物也。諸君須知。天主果可於人中特選某人某族。引爲優待寵眷之人。以便藉此貴族。以顯揚天主聖名於普世。然此族果有非常德行學問。果有豐功偉業。足以驚世醒人者。則其以謙遜之功。愛德之效。公義之舉。彰明較著。收服天下人心也。凡此有德貴族。格外戒絕枉用權勢。欺凌愚弱。妄施種種不法行爲。方爲正當合理。如果正直無私。有德有才。我等竟公然承認此等貴族。爲天主特選寵眷之貴族也。否則反厥所爲。只見彼等激成普世圈入戰團。隨處縱火焚掠。倚勢欺壓鄰境。貧弱人之財產土地。盡行霸佔。作爲己有。殺人如麻。不知節制。驅無數生民於水火之中。不加矜恤。凡此不法行爲。肆無忌憚。余可預決曰。此等人所欲。建築文明大殿者。乃欲以屍骸爲山。以流淚爲海。以垂死人長吁短歎。作爲雲霧雨露。然後認爲文明世界。而建此不法文明殿也。故不得不大聲疾

呼。警告天下。凡宗教文明之無公義及仁愛者。非真宗教。非真文明也。至於戰爭之目的。是否正當合理。須視起兵之宗旨何若。譬如懲罰惡人。恢復地方。及國家治安。令人尊敬。公義德道等。皆是也。此處讓維愛司鐸。不以征克人民。開疆拓土為正當行為。惟若無此征克誅伐之舉。國家及人民之治安。頗臻危象者。則征伐之戰。亦為正當之行為云。末云。譬如我國橫受敵之蹂躪。於他日得勝敵國之日。亦慘施強硬手段。焚掠殺戮。無所不為。以示洩忿。以報前辱。凡此酷虐暴行。皆不合於我公教人愛仇之德也。○巴黎總主教頒諭命屬下信人於六月二三四等日。行三日敬禮。恭敬福女若翰納達爾格。該三日敬禮。由奧爾雷翁主教發起。勸法國全境同行此禮。以求福女轉求天主。賜法國早獲最後勝利。巴黎總主教之諭。末亦衆教友善行敬禮耶。蘇聖心月。本年之聖心月末日。特於致命山聖心大堂。恭行大禮。并勸教友將全家奉獻於耶。蘇聖心。○聖母玫瑰報載有一某兵。年二十有九。家有一妻二子。此次出征從軍。特求賢女德助。撒保佑。一千九百十四年九月十七日。該兵於冷斯戰場上。連中六彈。彼即昏暈倒地。繼而醒後。自覺周身流血。有性命之危。遂高呼德助。撒救護我。立刻目見賢女在旁。和顏悅色。頗作憐惜之狀。賢女一手執苦像。一手執病人之手。携之令起。忽然隱跡。時該兵忽覺感激無已。血即止流。全身毫無痛楚。即趨至陣後救兵處。約離四百邁當。事後於一千九百十五年二月四日。該兵同妻至利齊安聖衣會修院內。朝謁賢女之墓。感謝賢女之自天申救。并請修院女長述明病愈之靈跡。據該處某司鐸

及多數可靠之人皆證明此事頗足取信。不可視為疑信參半者云。○魯衛斯克 Louvesc 地方為耶穌會聖方濟各類日思 St. François Régis S. J. 誕生之處。本年於六月十九日舉行二百年雙慶。因聖人生於一千六百十六年進耶穌會。一千七百十六年始列真福品。前三日舉行三日敬禮。每日有司鐸演講聖人之言行功德。末日由斐洲傳教事務總理主教銜杜賚君主禮。○英國加爾台 Calley 現任修道院長係愛爾蘭特加爾利勒公 Dom Aethel Carlyle 其中修士即係新反正之公教友。公有老母本亦非公教友。茲於聖母領報瞻禮日偕其一女並一幼侄孫同時反正皈依公教矣。○美國 美洲世界雜誌 The World 載有公教評論一則。雖僅寥寥數語。甚中肯綮。茲為轉譯如下。其言曰。全球人數約共十五萬萬。有三分之二為外教。華人與日本人佔其大多數。公教士則大半產自法國。美國僅有十人至十一人。現任傳教士之職務耳。○法文公教報云。益特福爾 Bandford 聖名聯合會 Société du Saint Nom 上次開會係由亞立 Yale 大學之華學生施廷桂君 (譯音) 出席演說。英國純熟。娓娓動聽云。

小說 義奴 續第十一章

醫生聞言不知所對。即匆匆趨出。復又迴顧曰。先生聽之。吾之為此。原足生人輕視。所冀受此創懲。或後來有進德之日。即謂瑪利亞曰。我實開罪於爾。今日乃自罹奇辱。爾果有所事。幸告我。即為我懺悔之地。瑪利亞對曰。先生安可言此。使人增媿。吾亦信君必非宿心陷我也。

醫生遂徐趨以出。醫生既出，羅沙即至瑪利亞之前，即引瑪利亞黑手，請瑪利亞怒已。瑪利亞曰：夫人賒格矣，幸勿再言此。瑪利亞之不幸也。語時，淚隨聲下。復曰：凡諸疑竇，不能不生人之心。今亦無暇取價於人，但視爲煙消雲散而已。莫海蓀姑娘平日語吾主人之子，謂天下不幸之事，咸足增人之善。此時瑪利亞防禦絮絮爲貴人所怒，乃立止其辭。狄而忒曰：我有事當行，汝亦宜去此。瑪利亞即呼曰：先生，瑪利亞可以自由親近吾主人之子乎？狄而忒曰：汝之自由，直同空氣，一無窒礙。天下公道，斷不能使爾善類入此囹圄之地。瑪利亞此時乃不知感激，至於何許。狄而忒先行，瑪利亞隨後。而前此邏緝瑪利亞之人，婉乞狄而忒勿加責備，且自承其狂謬。狄而忒亦從而恕之，不即示罰。狄而忒在紐約中，匪人不識，出時乃引一黑奴及一羅沙爲貧婦之服。於是見者大愕，而狄而忒則一一述示路人。且送黑奴於其寓，蓋自彼寓之間，乃無因爲人邏獲，殊無爲也。遂匆匆携黑奴同行。既而望見藍色窗戶矣。三人均注目窗間現狀，已似有人在彼延候。莫海蓀姑娘已坐於小櫬之間，魯意士居側，嘉祿坐其膝上。其前列金皮之書，忽而二子大呼，直奔瑪利亞之膊上。雖書中要言皆置不聞。二子咸自表其慶幸之意。此時狄而忒見狀，而道行之辛楚胥忘，即笑謂其女曰：莫海蓀汝在此間，二子可無須我輩。我意必訂一日，與此二子作良覲，即引目觀此小樓，初不華飾，但極精潔。因曰：瑪利亞乘吾未行之前，尙欲與爾作語。此二子默然可數分鐘。此貴重之老人，即自衣囊中出一物，授瑪利亞曰：汝

今日對簿。自伸其枉。宜得獎恤。今此物頗有益於爾二子。瑪利亞近而謝曰。瑪利亞感恩至矣。此吾主人之愛子。應食應衣。盡出諸瑪利亞之。二賻狄而忒曰。此謀良佳。然須聽我命令。汝以羣盜生心之金練。託吾。吾必以精神爲爾護衛此物。待爾拮据之時。則可以剖此寶物十分之一。應需。瑪利亞聞言大喜。立時以金鑽之練。上之貴人狄而忒。臨行時言曰。瑪利亞。汝當憶。時。尙有此物陳於我處。可以取用。瑪利亞曰。大恩胡能謝也。奴亦知天主關垂。必不聽瑪利亞墜於無告之地。莫海蓀姑娘亦以手納諸其父腕上。笑顧瑪利亞曰。不然不然。匆匆自去。

第十二章

瑪利亞自經對簿以後。愈覺平安境地。固甚。逐日莫海蓀姑娘以和平柔婉之音。爲瑪利亞及二子破其岑寂。凡所誘掖女學生之功課。皆簡明而易曉。使學生靈府中之繩。爲之引動。學生之聰明本異常童。且得其母慈和之氣。至此乃去羣而見靈光。卽於女師所授之課。無一不加通曉。似渴睡中爲人警醒者。乃轉以授嘉祿。莫海蓀之功課。非但渾舉大意。在在皆具實際。然瑪利亞仍刻苦勉勵。不敢告勞。魯意士不期大怒。逐日但務自由。亦不恤瑪利亞慙懣之意。莫海海見魯意士意氣既高。心頗違拂。則復導以忠懇之言。揭其弊病。且曰。胡以傲慢之根。乃萌長於胸中。不加刈治。魯意士聞其女師之訓。出以柔婉之言。天良復爲之一動。惟光力少弱。過卽消滅。可知習慣既深。藥之非易。雖有名師訓迪。亦不能於匆匆間卽洗心而革面也。一日魯意士暴怒。忽伸

其白足就黑奴曰：汝爲加襪著履。何其遲遲。黑奴曰：諾。幸勿嗔怒。卽所言亦近理。瑪利亞固笨。顧乃非其人之過。且亦不知何以變易如是。魯意士仍嘖嘖不已。偶一疏忽。卽怒形於色。嘉祿亦頗以其女兄爲不然。時時獨行於花園中。恒不欲招魯意士同往。瑪利亞日侍其女公子。但懷隱憂。無敢幾諫。長日治餅赴市賣之。魯意士獨居至快。快心緒潮生。似已身無辜。墜此艱屯。一日取一佳布爲莫海蓀所授。令其習縫。魯意士拈針針倒。取線線結。卽擲諸屋陬。號咷大哭。忽門闢。自外伸一柔荑之手。摩撫其肩。言曰：胡爲哭泣之哀如是。魯意士不引其手。淚流益急。言曰：吾今晨心緒惡劣。又深信平日吾師語我爲可愛之女耶。今知不逮矣。嗟夫吾師。世之不幸事。至此極矣。莫海蓀坐魯意士之次。以手堅握其腕。言曰：爾勿餒卻。自喪其勇。今且試味吾言。譬爾有病。非急加施治。則足以自亡其軀。此時脫有良醫。爲爾下藥。以涼藥洩爾熱病。拔爾於萬死之中。試問爾果得是醫者。能毋感激。如其命令。汝當於每星期及每月。未經痊。可以前靜聽其言。勇服其藥。信之不疑。直至於身健力復。然後止。則足以游散於外。足以吸取新鮮之空氣。及名花之芬臭。然則爾此時處此良醫。當如何獨無所感奮於心乎。嗟夫。吾最愛之魯意士。聽之。吾之愛汝。當不減爾母之愛。然審爾病源。在乎不審用情之所在。須知此善良之婦人。自少鞠爾。在法宜得爾之愛敬。彼縱挾異色。且未嘗學問。若爾不屑其人。卽爲爾過。並與不滓之仁心。已相背而馳。爾能不知吾望爾之深乎。以爾質美。未學。原不足爲爾名母之女。願爾愛我心切。尙逐日

希冀得如爾母之成就執此而論汝當平心靜氣力與過失抗並努力為善於不能遠踐之時天下唯勇於改過與樂於遷善方為人生康莊之路必有一日能使爾謝此諄勉之人由今以觀汝迷途深矣力當回頭汝知之乎魯意士嗚咽言曰謝吾師訓誨今矢誓行吾所未嘗造之途

未完

中外大事表

六月廿一日劉冠雄腹病不食 倪嗣冲電辭皖巡按使

故袁總統大祭黎率百官行禮 特任龍濟光兼署廣東

巡按使 稅務督辦梁士詒辭職照准 教育次長袁希

濤辭職照准○英首相愛士葵發起為吉青納鑄紀念銅

牌

廿二日特派河南巡按使田文烈督理前大總統墓地建築

事宜 朱慶瀾授為卓威將軍 靳雲鵬授為果威將軍

任命達壽為內務次長 段祺瑞辭職不准○希臘斯

柯洛狄斯氏內閣辭職已由希王諭柴米斯氏改組成立

廿三日署財政總長周自齊辭職以陳錦濤繼之 特任孫

寶琦為稅務處督辦 朱慶瀾開缺 畢桂芳特加將軍

銜督理黑龍江軍務仍兼黑龍江巡按使○希內閣以柴

米斯為首相兼外相拉斯為陸相兼海相喇立斯為財政

大臣

廿四日命陳宦黃國璋劉體乾入京 特任蔡鍔為益武將

軍督理四川軍務兼四川巡按使 任命曹錕會辦四川

軍務命周駿入京所轄軍隊交王陵基接管 任命王陵

基為重慶鎮守使 陸徵祥應召由北戴河回京

廿五日古德諾免職 政府特電伍廷芳唐紹儀力阻在滬

開會

廿六日海軍艦隊總司令李鼎新以舊約法與國會未復宣

言脫離海軍部加入護國軍 沈雲需呈請辭參政與浦

信鐵路督辦職 馮國璋連日電請懲辦罪魁 章太炎

返浙

廿七日電馮國璋入京 劉冠雄上呈辭職 段相接見各

外使 特派蔣作賓前往彰德恭請前大總統殮次行禮

廿八日袁樞出京 都郵政張元奇請裁肅政廳 中國銀行總裁薩福懋免職以徐恩元兼署○日本駐華公使日置民辭職已准暫以小幡氏代理 希臘解除全體勳員令

廿九日申令恢復舊約法定於八月一日續開國會 裁撤參政院與肅政廳 撤銷立法院國民會議各法令 改稱選舉事務局為籌備國會事務局 特任段祺瑞為國務總理

三十日張國淦自滬回京 派郭則澐為文官甄用委員會副委員長 兼署外交總長交通總長曹汝霖內務總長

王揖唐海軍總長劉冠雄兼署農商總長司法總長章宗祥教育總長張國淦辭職照准以唐紹儀長外交許世英長內務陳錦濤長財政程璧光長海軍張耀會長司法孫洪伊長教育張國淦長農商汪大燮長交通唐紹儀張耀會未到任前以陳錦濤張國淦暫兼署理 特任國務總理段祺瑞兼任陸軍總長 駐日本特命全權公使陸宗輿辭職以章宗祥繼之

七月一日文官考試告竣 張弧銷假與熊希齡辦美借款國會事務局設議員接待處 唐紹儀孫洪伊張耀會

電辭閣員中央覆電教勸 薩鎮冰為海軍艦隊事抵申 二日李鼎新電京願自取消獨立宣言 頒給日使日置益法國越南總督魯謨以一等嘉禾章 康有為代表徐勳到京覲見

三日程璧光張國淦到部 許世英來京覲見 新內閣開初次會議 軍人組織同德會○日政府以前任駐華大

中外大事表

使林權助男爵繼日置為駐華公使 四日政府與南方代表開會協商善後條件 劉揆一到京 謁見 湯化龍出京 ○英國寶比伯爵已任為陸軍副大臣

五日陳錦濤請設臨時財政委員會審查帝制期中財政 汪大燮辭交通總長 任命吳鼎昉為國務院參議 李國珍辭署教育次長職照准以吳閻生繼署調任李國珍為農商次長接見旅京蒙古王公 梁啟超電請以陸榮廷繼龍濟光督粵○日本寺內總督回東京

六日王達吳炳湘上呈辭職 改稱各省督理軍務長官為督軍民政長官為省長 以張作霖為奉天督軍兼署省長孟恩遠為吉林督軍郭宗熙為省長張懷芝為山東督軍孫發緒署省長趙倜為河南督軍田文烈為省長閻錫山為山西督軍沈銘昌為省長馮國璋為江蘇督軍齊耀琳為省長張勳為安徽督軍倪嗣冲為省長李純為江西督軍戚揚為省長李厚基為福建督軍胡瑞霖署省長呂公望為浙江督軍兼署省長王占元為湖北督軍范守佑為省長陳宦為湖南督軍兼署省長陳樹蕃為陝西督軍兼署省長蔡錕為四川督軍兼署四川省長陸榮廷為廣東督軍朱慶瀾為省長陳炳焜為廣西督軍羅佩金為省長唐繼堯為雲南督軍任可澄為省長劉顯世為貴州督軍戴戩為省長朱家寶為直隸省長兼署督軍畢桂芳為黑龍江省長兼署督軍張廣建為甘肅省長兼署督軍楊增新為新疆省長兼署督軍陳宦未到任前以陸榮廷暫署湖南督軍陸榮廷未到任前以龍濟光暫署廣東督軍

特派湯壽潛查辦粵事 特授李烈鈞為陸軍中將加上將銜並勳二位調京任用

七日平政院長錢能訓辭職以周樹模繼之 特任王敬煒為內務次長 廢止頒爵與懲辦國賊條例並附亂自首

特赦糾彈法 程璧光入覲 姜桂題呈請辭職 留日學界反對章宗祥為駐日公使 俄日新協約為協力維持遠東永遠為言葉已簽押 英國軍械大臣喬治已任為陸軍大臣外交大臣葛雷受封伯爵

八日閣員會議修改各部官制案 陸建章回京 特任陸榮廷在陳宦未到以前暫兼署理省長 廢止文官官秩令 日本石井外相開會祝賀日俄新協約成立

九日龍濟光軍統領李文連與李烈鈞戰陣亡 日公使日置益湯元首辭別 張繼王正廷奉命赴滬勸唐紹儀孫洪伊就任 吳鴻昌授為陸軍中將

十日王士珍堅辭參謀總長 章宗祥覲見 孫發緒辭山東省長 北京總商會總理馮沛霖辭職選定金世藻 日皇行幸帝國大學卒業式

十一日中國銀行聘英麥加利銀行總理魯可司為副總理 電飭周駿還京 汪大燮辭職照准

十二日申令裁撤經界局 元首宴饒日公使 張繼主張國會展期十月一日開幕 日太子自巡遊北陸歸京

十三日日俄公使至外部說明協約內容 湯壽潛到京 廢昌辭職 特任孫洪伊為內務總長范源廉為教育總長許世英為交通總長孫洪伊未到任前以許世英暫兼代理 通令釋放政治犯

十四日申令拿辦帝制罪魁楊度孫毓筠顧鼐楊士詒夏壽

田朱啟鈞周自齊薛大可 軍務院通電宣告撤消 王達辭京兆尹 旅滬國會議員開談話會 黎總統聘傅增湘李盛鐸為教育外交顧問

十五日龍觀光到京 王家襄將參政院內部組織出京 院令通緝楊度等八犯 康有為赴杭州 蘇常道尹殷鴻壽辭職以王萃林繼之 有賀長雄請假回國 日相大隈宴別新簡駐華公使林權助男爵駐美大使佐藤愛磨氏 西班牙鐵路工人罷工頒布戒嚴令

十六日日置公使首途歸國 李厚基辭閩督軍職 命廣東督軍陸榮廷迅速赴任 特任劉人熙暫行代理湖南督軍 張敬堯辭幫辦四川防務職照准 廢止報紙條例

十七日章宗祥首途赴駐日公使任 孫汶在滬張園開演說會 派徐紹楨赴粵

十八日尹昌衡已就公府軍事顧問職 廢止官吏犯罪特別管轄令官吏犯罪治罪法執行令徒刑改遣條例及施行細則清查地畝訴訟變通辦法簡任法官預保辦法道署暫設上訴機關易策條例

十九日王家襄赴滬 魯克斯到中行視事 蔡鐸給假一月以羅佩金護理四川督軍兼省長 特任陳炳焜兼署廣西省長 西班牙鐵路工人已開工 太平洋中南硫黃島附近之二新島為大浪擊崩

二十日李佳白覲見 陝西土匪猖獗 湯壽潛力辭查辦粵事職

江南主教姚 准